



Njealjis dain stuorámus FeFo-jogain lei bivdoolahus 2017:s. Riehpovuonjogas lei veahá badjel gaskameari, muhto buore go diibmá. Dá Makksteinen (máhtogeadggi) luhtte. Govva: Eirik Palm

## Bivdoolahusat olu luossajogain

**Njealjis dain stuorámus FeFo-jogain vásihedje 2017:s buoremus luossajagi mii goassege lea leamaš.**

Finnmárkku stuorámus FeFo-jogaid logu leat dál gárvásat. Dan jagi luossaáigodat lei gelddolaš dan manjit giđa geažil, muhto goittotge lea olu jogain goddán olu guliid. Lea earenoamážit luossajogain nuorttabealde fylkkas go leat goddon olu luossa.

«Dan jagi bohtosat čájehit earret eará ahte Ánnejogas lea leamaš rámálmás buorre áiggodat, ja lea stuorámus FeFo-johka Finnmárkku mas lea bivdoolahus guokte jagi manjalaga», lohká meahccehálldašeddji Steinar Normann Christensen.



Son čujuha ahte dan jogas šattai olahus sihke kiloid ja logu dáfus. Eará jogat gos dan jagi ledje olahusat ledje Veidnesjohka, Gállojohka ja Suovvejohka.

Olu eará jogaid sálašlogut duodaštit maiddái ahte 2017 áigodat šattai suorraluossajahki (goadjinjahki). Vaikko Leavdnjajogas leage leamaš gaskamearálaš áigodat, dettii juohke nubbi luossa maid godde, 52 proseantta, badjel 7 kilo. Mannan jagi lei oassi 46 proseantta.



Riehpovuonjogas lea leamaš veahá vuollel gaskamearálaš áigodat, muhto maiddái dáppe leat goddán olu sturraluosaid (goadjimiid). Juo beallemuttus bivddus fidnejedje dáppe eambo sturraluosaid go olles 2016-áigodagas.

«Leamaš buorre ovdáneapmi áiggi mielde, masa lea vuosttažettiin buorre ja nanu bargu maid čeahpes ja ulbmilolaheaddji lihttoláigoheaddjit leat dahkan ja buorre ja guhkesáigásaš hálddašepmi», dadjá Christensen.

Dieđihit ain sálášiid, muhto vásáhusaid mielde eai buvttit dan sturra erohusaid daid sturra jogaid dáfus. Daid oktanuplohkái sturámus FeFo-jogaid čoahkkáigeassu lea ná:

- **Suovvejohka:** 2.345 kg. 2016:s lei olahus sihke logu ja kiloid dáfus. Dan jagi lea dan rádjái raporterejuvvon okta guolli unnit, muhto šattai ođđa olahus kiloid dáfus. Lea hui jáhkehahtti ahte dat mearkaša ahte šaddá ođđa olahus maiddá man luossalogu dáfus. Leat goddon golbma sturraluossa (goadjima) unnit, muhto olu eanet gaskamutto luosat.
- **Bissojohka:** 1.330 kg. Bealli diimmá jagis ja olu vuollel gaskameari.
- **Lággu:** 3.492 kg. Gaskamearálaš áigodat vaikko bivdu álggiige hui maŋŋit go lei maŋŋit giđđa.
- **Leavdnjajohka:** 8.391 kg. Gaskamearálaš áigodat, muhto buorre sturraluossaáigodat (goadjináigodat), mas sullii 52 % goddon luosain leat sturraluosat (goadjimat) mat deddet 7 kilo dahje eambo. 2016:s lei lohku 46 proseantta.
- **Riehpovuonjohka:** 7.497 kg. Veahá vuollel gaskameari, muhto olu sturraluosat (goadjimat).
- **Sandfjordjohka:** 1.222 kg. Buorre áigodat muhto bissánii bivdu vuolde, ja loahpas šattai vuollel olahusa.
- **Gállojohka:** 1.507 kg. Buorre áigodat ođđa olahusain kiloid dáfus.
- **Rávttošjohka:** 2.591 kg. Áigodat lea leamaš vuollel gaskameari, muhto sturraluosaid (goadjimiid) oassi lei buorre.
- **Morešveaijohka:** 3.516 kg. Gaskamearálaš áigodat, muhto olu sturraluosat (goadjimat).
- **Veidnesjohka:** 1.826 kg. Buorre áigodat mas lei olahusa kiloid dáfus. Leat leamaš hui olu sturraluosat (goadjimat).
- **Ánnejohka:** 14.607 kg. Hui buorre áigodat, mii ledje olahusat sihke deattu ja guollelogu dáfus. Olu sturraluosat.

Dan jagi bohtosat čájehit ahte Suovvejogas šattai bivdolahus goalmát jagi maŋŋalaga. maiddái Ánnejogas lea leamaš buorre ovdáneapmi, go ledje kilolahusat maiddá 2014:s ja 2016:s. 2015: lei jogas olahus luossalogu dáfus.

Dasa lassin ledje 2015:s ja 2016:s olahusat olu smávit jogain, maid sálašlogut gárvánit easka golggotmánus. FeFo-jogaid kultiveren dáhpáhuvvá earret eará dainna lágiin ahte dat sturát jogat main lea alla dienas mákset alit lihttoláigohandivada. Oassi dain divadiin manná smávit jogaide, vai lihttoláigoheaddji ožžot resurssaid ovdánahttit daid jogaid buorin luossajohkan.

«Leat olu FeFo-jogat mat veahážiid mielde gorkŋot badjeliidda. Lea, nugo almmuheimmet borgemánus, hui iešguđet láhkái. Muhtun jogat bohte hui maŋŋit johtui dan jagi, ja sáhtán gosii lohkat ahte mis lea leamaš hui buorre bivdu vaikko leige maŋŋit giđđa», lohká Steinar Normann Christensen.

Golggotmánus leat buot FeFo-jogaid loahpalaš sálašlogut raporterejuvvon.

**Grafikk:** [Laksefisket uke for uke](#)

#### KONTAKTPERSON / GULAHALLANOLMMOŠ:

Steinar Normann Christensen, utmarksforvalter, tlf. 905 03 329

Eirik Palm, leder kommunikasjon og samfunnskontakt tlf. 976 19 594

